

قوچ داشلاري

تورك اولوسلاري بير يوكسك كولتوره و فرهنگه صاحيب اولدوقلاري اوچون بو كولتورلريني هر آندا و ياشيشلارنين هر بير ساحسينده يايغين بير شكيلده اورتايا قوياراق، كوكلي و گركلي اينانجيلارين ايللردن بري سوردوررك هر بير ياشايش آلايندا ايزلر بوراخميشلار بو كولتور و گلنگي حتا اولومدن سونرادا ياشادماقا دوام ائتديرميشلر، كي بونلارين آراسيندا توركلرين مزار داشلاري بو كولتورون بير اورنگيدير.

هيچ بير تورك مزار اوندان كي اونون اوستونده بير تورك سيمگه سي و تورك نيشانه سي اولمايا بولونماماكدادير بو سيمگلرين و نيشانه لرين آراسيندا قوچ علامتي ان يايقين و ان اسكي اولاراك اوزون ايللردن بري بوتون تورك اولوسي و يا تورك قومي سايلان قوملاريندا گورمك ممكن دور.

اسكي چاغلاردان الميزه گليب چاتان توركلره اييت ال صنعتلرينده قوچ و اونون نقدر اونملي اولدوقوني و اونلار اوچون نقدر اونم داشديقيني راحتليقلا دوشونمك ممكن دور. اصلينده قوچ و قوچلا ايلگيلي اينانجلار توركلر بير اسكي تاريخه صاحيدير و دئمك اولار كي توركلرين اورتايا چيخديكلاري گوندن بري اونلار بير ايليشگيلري اولوب. ان اسكي تورك دولتلاريندن سايلان ماننا دورلريندن الميزه گليب چاتان بير چوخ ال صنعتينين نقشيلرين اوستونده ده قوچ رسيملري چوخ گوزل بير شكيلده چكيب و او دورانلاردا قوچ و داغ قويونلارينا نقدر اونم داشديقيني اورتايا چيخاردير. سيلك تپه و مارليك و حسنلو تپه لريندن تاپيلان بير چوخ قاب و بوشقابلار و بير چوخ دامغالارين ان گوزده اولان سيمگلري قوچ و بيرنيزلي داغ قويونلاردير لار بيلديگميز كيمي بو تپه لردن بولونان تاريخي قالينتيلار بيرينجي و ايكنجي ميلاددان اونجه يه آييتديرلر. حتا مارليك تپه سينده تاپيلان ۹ و ۱۰ نجي يوز ايللره آيت حيات آغاجي آدلانان بير قابين اوسونده كي حيات و ياشايشي گورسدن حيوان بير بيرنيزلي داغ قويوني اولوبدور كي دوغوموندان تا اولومه قدر بو حيوان حياتي جانلانديرير.

اما بونلاردان دا اسكي آذربايجان توپراقلاريندا بولونان وتاريخلري ايلك اينسانلارا اييت و ايلك آذربايجان توپراقلارينا يئرلشن اينسانلاردان قالينتيلار؛ قوبيستان نقشيلريديرلر كي بو نقشيلرين چكيلن تاريخ ۱۲ ال ۱۴ مين ايل بوندان قاباقلارا سانيلماقدادير شليلر آراسيندا ان چوخ گورونون رسيملرين و حيوانلارين آراسيندا لاپ چوخ قوچ و بورنوزلي قويونلارديلار كي بودا بوحيوانين ان اسكي اينسانلارين يانيندا نقدر اونم داشديقيني گورسدير.

ماننا تورك دولتيندن سونرادا قوچ و اونون اونملي ماد دولتينه قدر سورمكديدير و او دونملردن قالان بوتون تونجلر و ريتون لارين و شاهلارا اييت شراب جاملارين شكيلري قوچ باشي گورنور، اما بو دونمدن سونرا ايراني دولتلا ايش اوسته گلديكن

سونرا ريتون شكيللري قوچ شكيلندن خيالي قوشلارا و خيالي ياراتيفلار شكيليني آلميش.بو دونملرده توركلرين ايقتيداردان و توپلومسال قوچلريني اللرينده اولماقلارينا گوره او دورانلاردان چوخ آز بير قوچ شكيلينه راسلاماق اولنور.سون ايران دولتلري توركلرله قارشيليقلاري اولدوقي اوچون گننه قوچ سيمگه سي ايراندا اولان توركلرين آراسيندا گننه جانلناراك يئريني تاپميش.

باشقا اوزاق تورك توپراقلاريندا ياشايان توركلر آراسيندا قوچ اينانجي سورمكديدي مثلا قزاقستاندا ميلادان اونجيه آييت بير چوخ مزارواردير كي اونلارين داشلارنين اوستونده قوچ دامغلاري وار و بعضا قبير داشي يئرینه قوچ هيكلي عين بويوتادير.بو قوچلارين عين شكيلينده آذربايجان و ايران و آناطولونون شرقي قيسملاريندا راسگلمك ممكن دور.

هونلارين ان چوخ تانري اوچون قوربان انديلن حيوان قوچ اولاردي . گوك تورك آدانان قومون تانري اوچون قوربان انديكلري ايكي حيوان واريميش كي بيرسي آت وديگري داغ قويونوي يا همان قوچي دي ؛كي آت گوي تانري اوچون و قوچ دا توپراق اوچون قوربانليق وئرلرميش.

دهه قورقود داستانلاريندا دا بيرچوخ يئرده قوربان انديلن حيوانلار بوجور دنيليب كي "آت لاردان آيقير ،دوه لردن بوغرا ،وقويونلاردان قوچ قوربان اندين".حتا قزاقستاندا دهه قورقود مزار ي آدانان قبرين ياخينلاريندا بير بويوك قوچ هيكلي واردير.(قزاقلار دهه قورقودا" قورقوت آتا" دنيلر و دنديكلرينه گوره دهه قورقودون قبري سيحون چاي سولارنين آلتيندا قالديقينا گوره قوچ هيكلي اولان يئر دهه قورود اوچون دوزليپ)

قوچ هيكلري و قوچ دامغالي مزارداشلاريني آلتايلاردان آناطولون دوغي قيسمتلرينده(شرقه) قدرتورك مزارلاريندا گومك ممكن دور،اما خاطر لاتماق گركير كي قوچ تكجه توركلر اوچون تكجه مزار لاردا اونم داشمير بلكه اونلارين ديربيلكلرينده قوچ اونملي عنصرلردن بير سايلير.

قازاق توركلرين آراسيندا قوچ ارليك،ايگيتليك،و اوزگورلوك و آزاده ليق نيشانه سيدير.اسكي زمانلار قازاق ساواشچيلارنين قالخانلارنين اوستونده قوچ دامغاسي اولارميش. ماناس داستانيندا ،ماناسين بوتون پالتارلارنين و سيلاحلارنين اوستونده قوچ دامغاسي واردير.قزاقلارين قهرمانلارنين "آديدا قوچكار" دنيلير.

آذربايجان و آناطولي توركلرين ده آراسيندا قوچ ايگيتليك و قورخمامازليق نيشانه سي سايلير ؛حتا آذربايجان و آناطولي خلقينين آراسيندا بوتون قهرمانلار قوچاق دنيلير.(قوچاق نبي؛قوچ كوروغلي)

توركمنلرين آراسيندا قورخمازليق ؛غيرت ؛كيشيسليك ؛اريك نيشانه سيدير.حتا بوتون اوغلان اوشاقلارينا توركمنلر ختنه اولدوقدان سونرا "قوچ بولدي"دنيلر كي اوغلان اوشاقنين ار اولدوقوني گورسدندير.توركمنلر آراسيندا ايلگينچ بير گلنك واردير كي قوچ و مزار داشلارينا ايلقيلي اولاييلير. توركمنلرين آراسيندا بير ايكييت و جوان

اولدوگونده مزار داشينين اوستونه قوچ بيرنيزي تاخيلير كي توركمنلرين اينديده بير
چوخ مزارليقندا گورمك ممكن دور.

تورك آدلاريندا دا قوچ آدينا چوخ راسلاماق اولار و بير چوخ تورك آدي واردير كي
قوچ سوزيله دوزليب؛ اورنك: قوجقار؛ قوجان، قوجوق، قوچار(دهه قورقود
قهرمانلاريندان) قوچان، قوچ اوغلان قوچ آلي؛ قوچولي، قوچاي، قوچاي
شن، قوچو، قوچي بي، كوج؛ كوج تكين كيمي آدلار. حتا تورك خاقانلاري اوغولارنين
آدلاريني قوچ اولارميش.

اصلينده قوچ سوزي توركجه ده كي قوچ و زور و قوت سوزوندن آلميش بير
سوزدور. ديوان لغات تورك كيتابيندا كاشغارلي ماحمود قوچ سوزون بوجور اچيلير
كي؛ ”كُجْ (كُوج): زور، قوچ، قودرت؛ كج تكين”

بازان و آردشيرې: علي. ب. تورك
E-mail: turkbaris2003@yahoo.com

XX

گجیل

<http://Gajil.20m.com>